

# Adroddiad Blynyddol Comisiynydd Safonau'r Senedd

Ebrill 2025 – Mawrth 2026

CYNNAL  
ENW DA



GWARCHOD  
SAFONAU



MYND I'R AFAEL  
Â PHRYDERON



Mae'r Comisiynydd Safonau y Senedd yn berson annibynnol a benodir gan Senedd Cymru i ddiogelu safonau, cynnal enw da'r sefydliad a mynd i'r afael â chwynion.



**Douglas Bain CBE TD**  
Comisiynydd Safonau'r Senedd

---

Mae copi electronig o'r adroddiad hwn ar gael ar wefan Comisiynydd Safonau'r Senedd: **[www.comisiynyddsafonaucymru.org](http://www.comisiynyddsafonaucymru.org)**.

Gellir cael copïau o'r adroddiad hwn hefyd mewn ffurfiau hygyrch, yn cynnwys Braille, print bras, fersiwn sain a chopi caled gan:


**Comisiynydd Safonau'r Senedd**  
**Tŷ Hywel**  
**Bae Caerdydd**  
**CF99 1SN**

Ffôn: 0300 200 6542

E-bost: **[Comisiynydd.Safonau@senedd.cymru](mailto:Comisiynydd.Safonau@senedd.cymru)**

# Adroddiad Blynyddol Comisiynydd Safonau'r Senedd

Ebrill 2025 – Mawrth 2026









# Cynnwys

|                                                            |           |
|------------------------------------------------------------|-----------|
| <b>1. Cyflwyniad .....</b>                                 | <b>6</b>  |
| <b>2. Swyddogaethau a dyletswyddau'r Comisiynydd .....</b> | <b>7</b>  |
| <b>3. Cwynion .....</b>                                    | <b>8</b>  |
| <b>4. Gwaith arall.....</b>                                | <b>15</b> |
| <b>5. Gwariant .....</b>                                   | <b>16</b> |
| <b>6. Y flwyddyn sydd i ddod .....</b>                     | <b>19</b> |
| <b>7. Diolchiadau.....</b>                                 | <b>20</b> |

# 1. Cyflwyniad

**1.** Dyma fy chweched adroddiad blynyddol, a'm holaf, fel Comisiynydd Safonau'r Senedd Daw fy nghyfnod yn y swydd i ben ar 31 Mawrth 2027 a bydd cyfrifoldeb dros yr adroddiad ar gyfer 2026-27 yn disgyn ar fy olynnydd. Mae'r adroddiad yn amlinellu sut y cyflawnais swyddogaethau fy swydd yn ystod y flwyddyn a ddaeth i ben ar 31 Mawrth 2026.

**2.** Mae'n dilyn yr un patrwm â'm hadroddiadau blaenorol. Ar ôl nodi'r darpariaethau statudol perthnasol, mae'n rhoi gwybodaeth am nifer y cwynion a phynciau'r cwynion a ddaeth i law ac ym mha fodd y cawsant eu prosesu. Rhoddir gwybodaeth hefyd am waith arall a wnaed yn ystod y flwyddyn, gwariant swyddfa'r Comisiynydd a'r hyn sydd wedi'i gynllunio ar gyfer 2026-27.

## 2. Swyddogaethau a dyletswyddau'r Comisiynydd

**3.** Gan nad oedd Bil Senedd Cymru (Atebolrwydd Aelodau ac Etholiadau) wedi derbyn Cydsyniad Brenhinol erbyn diwedd y flwyddyn, nid oedd unrhyw newidiadau i swyddogaethau a dyletswyddau'r Comisiynydd yn ystod y flwyddyn adrodd.<sup>1</sup> Crëwyd swydd Comisiynydd Safonau'r Senedd gan adran 1(1) o Fesur Comisiynydd Safonau Cynulliad Cenedlaethol Cymru 2009 ('y Mesur').<sup>2</sup> Mae Adran 5 o'r Mesur yn darparu ar gyfer annibyniaeth y Comisiynydd ar gyfarwyddyd neu reolaeth y Senedd.

**4.** Nodir swyddogaethau'r Comisiynydd yn adrannau 6 a 7 o'r Mesur, a gellir eu crynhoi fel a ganlyn –

- Derbyn unrhyw gŵyn bod Aelod wedi methu â chydymffurfio ag un o ofynion y Cod Ymddygiad<sup>3</sup> ('y Cod') neu ddarpariaeth berthnasol arall, ymchwilio i gwynion o'r fath a chyflwyno adroddiad i'r Pwyllgor Safonau Ymddygiad ('y Pwyllgor') ar y rhai sy'n dderbyniadwy;<sup>4</sup>
- Cyngori Aelodau o'r Senedd a'r cyhoedd am y gweithdrefnau ynglŷn â gwneud cwynion ac ymchwilio i gwynion;
- Rhoi cyngor i'r Senedd ar unrhyw fater o egwyddor gyffredinol sy'n ymwneud â safonau ymddygiad yr Aelodau, y weithdrefn ar gyfer ymchwilio i gwynion neu unrhyw fater arall sy'n ymwneud â hyrwyddo, annog a diogelu safonau uchel o ymddygiad mewn swydd gyhoeddus fel Aelod o'r Senedd.

**5.** Mae adran 19 o'r Mesur yn ei gwneud yn ofynnol i'r Comisiynydd, cyn gynted â phosibl ar ôl diwedd pob blwyddyn ariannol, gyflwyno adroddiad i'r Senedd ar sut mae swyddogaethau'r Comisiynydd wedi cael eu harfer yn ystod y flwyddyn honno.

---

<sup>1</sup> Rhoddwyd Cydsyniad Brenhinol ar 27 Ebrill 2026

<sup>2</sup> <https://www.legislation.gov.uk/cy/mwa/2009/4/contents>;  
<http://www.legislation.gov.uk/mwa/2009/4/contents/enacted/welsh>

Cafodd teitl y swydd ei newid o Gomisiynydd Safonau Cynulliad Cenedlaethol Cymru pan ddaeth adran 7 o Ddeddf y Senedd ac Etholiadau (Cymru) 2020i rym ar 6 Mai 2020.

<sup>3</sup> <https://senedd.cymru/media/jpbdxzr0/code-of-conduct-cym.pdf>

<sup>4</sup> Fel y'u diffinnir yn adran 6(3) o'r Mesur.

## 3. Cwynion

### Cyflwyniad

**6.** Treuliwyd rhan arwyddocaol o'm hamser yn ystod y flwyddyn yn ymdrin â chwynion yn erbyn Aelodau o'r Senedd. Nodir rhagor o wybodaeth amdanynt yn y paragraffau a ganlyn.

### Cwynion a ddygwyd ymlaen o 2024-25

**7.** Roedd ystyriaeth o 12 o gwynion derbyniadwy ar y gweill ar ddechrau'r flwyddyn gyfredol. Cyflwynwyd adroddiadau pedwar ymchwiliad, yn cwmpasu wyth o'r cwynion hyn, i'r Pwyllgor erbyn mis Medi 2025. Rhoddwyd y gorau i ystyried y pedair cwyn arall, a oedd yn ailadrodd yn sylweddol honiadau a drafodwyd yn yr adroddiadau a gyflwynwyd.<sup>5 6 7 8</sup>

### Cwynion newydd

**8.** Yn ystod y flwyddyn, cafwyd 86 o gwynion newydd. Ymdriniwyd â'r holl gwynion hyn yn unol â'r **Weithdrefn ar gyfer ymdrin â chwynion yn erbyn Aelodau o'r Senedd ("y Weithdrefn")**.

**9.** Dangosir ffynonellau, pynciau a rhesymau dros annerbyniadwyedd y cwynion hyn yn y Tablau isod.

---

<sup>5</sup> Y pedwerydd adroddiad ar hugain i'r Chwched Senedd o dan Reol Sefydlog 22.9

<sup>6</sup> Yr ail adroddiad ar hugain i'r Chwched Senedd o dan Reol Sefydlog 22.9

<sup>7</sup> Yr unfed adroddiad ar hugain i'r Chwched Senedd o dan Reol Sefydlog 22.9

<sup>8</sup> Y trydydd adroddiad ar hugain i'r Chwched Senedd o dan Reol Sefydlog 22.9



**Tabl 1: Cwynion a ddaeth i law, ffynhonnell a derbyniadwyedd**

|                                                                   | 2021-22 | 2022-23 | 2023-24 | 2024-25 | 2025-26 |
|-------------------------------------------------------------------|---------|---------|---------|---------|---------|
| <b>Daeth i law</b>                                                | 44      | 71      | 190     | 136     | 86      |
| <b>% gan y cyhoedd</b>                                            | 91      | 58      | 89      | 92      | 86      |
| <b>% gan Aelod yn erbyn Aelod</b>                                 | 0       | 0       | 0.5     | 2       | 4       |
| <b>% gan Aelod yn erbyn ei hun</b>                                | 0       | 7       | 1.5     | 1       | 1       |
| <b>% gan Glerc y Senedd</b>                                       | 9       | 35      | 9       | 5       | 9       |
| <b>% annerbyniadwy</b>                                            | 80      | 49      | 84      | 82      | 83      |
| <b>% derbyniadwyedd heb ei benderfynu erbyn diwedd y flwyddyn</b> | 5       | 0       | 1       | 3       | 2       |

**Tabl 2: Cwynion yn ôl pwnc**

|                                                                                              | <b>2021-22</b> | <b>2022-23</b> | <b>2023-24</b> | <b>2024-25</b> | <b>2025-26</b> |
|----------------------------------------------------------------------------------------------|----------------|----------------|----------------|----------------|----------------|
| <b>Ymddygiad ar y cyfryngau cymdeithasol</b>                                                 | 6              | 8              | 53             | 44             | 67             |
| <b>Camddefnyddio adnoddau</b>                                                                | 4              | 5              | 3              | 5              | 12             |
| <b>Safon gwasanaeth</b>                                                                      | 16             | 5              | 17             | 15             | 9              |
| <b>Methu â chofrestru / datgan / diweddarau buddiant</b>                                     | 7              | 27             | 24             | 12             | 12             |
| <b>Y tu allan i gylch gorchwyl (ymddygiad yn y Cyfarfod Llawn neu ymddygiad Gweinidogol)</b> | 3              | 20             | 29             | 22             | 18             |
| <b>Ymddygiad arall<sup>9</sup></b>                                                           | 8              | 6              | 64             | 38             | 14             |
| <b>CYFANSWM</b>                                                                              | 44             | 71             | 190            | 136            | 86             |

<sup>9</sup> Derbynnir cwynion mewn llawer o wahanol feysydd ac mae'r adran hon wedi cynnwys cwynion yn amrywio o bresenoldeb rhai Aelodau mewn gwrthdystiad i'r ffordd y mae rhai Aelodau'n pleidleisio o bell yn ystod y Cyfarfod Llawn. Roedd pynciau eraill y cwynwyd amdanynt yn cynnwys polisïau Llywodraeth Cymru a Llywodraeth Cymru fel sefydliad.

**Tabl 3: Rhesyau nad yw cwyn yn dderbyniadwy**

| Rhif y rheswm | Disgrifiydd                                                                                        | 2021-22 | 2022-23 | 2023-24 | 2024-25 | 2025-26 |
|---------------|----------------------------------------------------------------------------------------------------|---------|---------|---------|---------|---------|
| <b>1</b>      | Ddim yn ysgrifenedig (Is-baragraff 4.2(a) y Weithdrefn)                                            | 0       | 0       | 0       | 0       | 0       |
| <b>2</b>      | Ddim yn enwi'r achwynydd (Is-baragraff 4.2(b) y Weithdrefn)                                        | 0       | 0       | 0       | 0       | 1       |
| <b>3</b>      | Ddim yn ymwneud ag ymddygiad Aelod a enwyd (Is-baragraff 4.2(c) y Weithdrefn)                      | 2       | 0       | 9       | 1       | 2       |
| <b>4</b>      | Ddim yn datgan gweithred neu ddiffyg y cwynir amdano (Paragraff 4.2(d) y Weithdrefn)               | 33      | 1       | 9       | 2       | 0       |
| <b>5</b>      | Tystiolaeth ategol annigonol (Is-baragraff 4.2(e)(i) y Weithdrefn) <sup>10</sup>                   | -       | 3       | 40      | 22      | 14      |
| <b>6</b>      | Ymddygiad, os profir, nad yw'n torri darpariaeth berthnasol (Is-baragraff 4.2(e)(ii) y Weithdrefn) |         |         |         |         |         |

<sup>10</sup> Pan fydd Achwynwyr yn methu, i ddechrau, â darparu digon o dystiolaeth neu wybodaeth i gefnogi cwyn a allai fod yn dderbyniadwy, byddant yn cael o leiaf 14 diwrnod i'w darparu.

| Rhif y rheswm | Disgrifiydd                                                                  | 2021-22 | 2022-23 | 2023-24 | 2024-25 | 2025-26 |
|---------------|------------------------------------------------------------------------------|---------|---------|---------|---------|---------|
|               | Ymddygiad yn y Cyfarfod Llawn neu Bwyllgor (Paragraff 3 y Cod) <sup>11</sup> | -       | 16      | 17      | 12      | 17      |
|               | Ymddygiad Gweinidogol (Paragraff 7(ii) y Cod) <sup>12</sup>                  | -       | 7       | 12      | 10      | 2       |
|               | Safon gwasanaeth (Paragraff 7(iii) y Cod) <sup>13</sup>                      | -       | 4       | 17      | 27      | 9       |
|               | Arall                                                                        | -       | 7       | 54      | 35      | 24      |
| <b>7</b>      | Ddim o fewn y cyfnod a ganiateir (Is-baragraff 4.2(g) y Weithdrefn)          | 0       | 0       | 1       | 2       | 2       |

**10.** O'r 13 o gwynion derbyniadwy, roedd chwech yn ymwneud â methiannau bach gan Aelodau i hysbysu newid i'w buddiannau cofrestredig o fewn yr amser a ganiateir o dan y Rheolau Sefydlog. Ym mhump o'r cwynion hyn, gan fod yr Aelodau wedi derbyn y gwall a'i gywiro, argymhellais i'r Pwyllgor na ddylwn barhau â'm hymchwiliad. Derbyniwyd yr holl argymhellion hyn. Rhoddwyd y gorau i ystyried y chweched gŵyn gan fod y methiant eisoes wedi cael ei ystyried gan y Pwyllgor.

**11.** Cyfeiriodd y Prif Weithredwr ataf bedwar achos o Aelodau yn honni eu bod yn gwneud ffilmiau gwleidyddol plaid ar ystâd y Senedd. Mae ffilmio o'r fath wedi'i wahardd o dan y Rheolau a'r Canllawiau ar Ddefnyddio Adnoddau'r

<sup>11</sup> Mae paragraff 3 o'r Cod yn darparu mai'r Llywydd a chadeiryddion pwyllgorau fydd, fel arfer, yn ymdrin ag ymddygiad yr Aelodau yn ystod Cyfarfod Llawn y Senedd ac mewn pwyllgorau, drwy droi at Reolau Sefydlog y Senedd. Dim ond os caiff cwyn am ymddygiad o'r fath ei chyfeirio at y Comisiynydd gan y Llywydd neu gadeirydd pwyllgor y caiff y Comisiynydd ymchwilio iddi.

<sup>12</sup> Mae adran 8 o'r Mesur a pharagraff 7(ii) o'r Cod yn ei gwneud yn glir nad oes gan y Comisiynydd unrhyw rôl mewn perthynas â chwynion am gamymddwyn honedig gan Aelod wrth weithredu'n llwyr yn rhinwedd ei swydd fel Gweinidog. Cafodd yr achwynwyr a honnodd gamymddwyn gweinidogol eu cyfeirio at swyddfa'r Prif Weinidog.

<sup>13</sup> Mae paragraff 7(iii) o'r Cod yn darparu nad yw'n ymwneud â safon gwasanaeth a chanlyniadau a geir gan Aelod.



Senedd ac mae'n groes i Reol 8 o'r Cod. Cyfaddefodd y ddau Aelod dan sylw eu camymddwyn a dileu'r cynnwys. Derbyniodd y Pwyllgor fy argymhelliad y dylid rhoi'r gorau i ystyried y cwynion.

**12.** Roedd un gŵyn yn ymwneud â methiant honedig i ddatgan buddiant yn ystod y Cyfarfod Llawn. Yn ystod fy ymchwiliad daeth yn amlwg nad oedd methiant o'r fath wedi digwydd. Gorffennais fy ystyriaeth o'r gŵyn yn unol ag is-baragraff 5.1 o'r Weithdrefn.

**13.** Ymchwiliais i atgyfeiriad gan y Prif Weithredwr ynghylch y defnydd amhriodol honedig o un o'i staff cymorth gan Janet Finch-Saunders. Yn ystod fy ymchwiliad, daeth yn amlwg nid yn unig fod yr Aelod wedi cydsynio dro ar ôl tro, ac ar rai achlysuron wedi annog, y camymddwyn hwn, ond ei bod hefyd wedi methu â darparu hyfforddiant digonol i'w staff. Derbyniodd y Pwyllgor fy marn fod yr Aelod wedi torri Rheol 1 (Arweinyddiaeth), Rheol 8 (Defnydd amhriodol o adnoddau'r Senedd) a Rheol 24 (Dyletswydd i ddarparu hyfforddiant ac ati) o'r Cod. Cafodd yr Aelod ei geryddu am ei chamymddygiad.<sup>14</sup>

**14.** Roedd fy ymchwiliad i'r drydedd gŵyn dderbyniadwy ar ddeg yn parhau ar ddiwedd y flwyddyn.

## Cwynion a ddygwyd ymlaen i 2026-27

**15.** Ar ddiwedd y flwyddyn roedd derbyniadwyedd dwy gŵyn a ddaeth i law ar 31 Mawrth 2026 eto i'w benderfynu, ac roedd fy ymchwiliad i un gŵyn dderbyniadwy yn parhau.<sup>15</sup>

## Ystyriaeth

**16.** Rwyf yn fodlon bod ymddygiad cyffredinol yr Aelodau yn parhau i fod o safon uchel. Mae hynny'n cael ei gadarnhau gan y gostyngiad 37% yn nifer y cwynion a ddaeth i law, a chan y ffaith, ar wahân i'r methiannau bach a thechnegol i raddau helaeth, mai dim ond un Aelod, Janet Finch-Saunders, a ganfuwyd i fod wedi torri unrhyw ddarpariaeth berthnasol yn ystod y flwyddyn.

**17.** Y gostyngiad yn nifer y cwynion a ddaeth i law, o 136 yn 2024-25 i 86 yn y flwyddyn adrodd, oedd y gostyngiad mwyaf ond un ers creu'r Comisiynydd

<sup>14</sup> **Y pumed adroddiad ar hugain i'r Chweched Senedd o dan Reol Sefydlog 22.9**

<sup>15</sup> Daeth yr ymchwiliad i ben o dan is-baragraff 5.1(a) a (g) o'r Weithdrefn. Canfuwyd bod un o'r cwynion yn annerbyniadwy yn unol ag is-baragraff 4.2(f) tra bod ystyriaeth o'r gŵyn arall wedi dod i ben o dan is-baragraff 5.1(g).

Safonau yn 2009. Mae'n parhau â thuedd galonogol o ran gostyngiad yn nifer y cwynion a ddaw i law.

**18.** Er bod ymddygiad ar y cyfryngau cymdeithasol yn parhau i fod y prif reswm dros gwynion, roedd yn braf nodi'r gostyngiad o fwy na 50 y cant yn y nifer ers 2024-25. Ni fu unrhyw newidiadau sylweddol i'r materion y gwnaed cwynion eraill yn eu cylch nac yn ffynonellau'r cwynion na'r rhesymau pam nad oeddent yn dderbyniadwy.

## 4. Gwaith arall

**19.** Wrth ystyried cwynion, nodais eto sawl enghraifft lle y gellid gwneud gwelliannau i'r Cod a'r Weithdrefn. Roeddwn yn falch o nodi bod llawer o'r rhain wedi'u gweithredu yn y Cod Ymddygiad a ddaeth i rym ar ddechrau'r Seithfed Senedd.

**20.** Rhoddais dystiolaeth i'r Pwyllgor ar Fil Senedd Cymru (Atebolrwydd Aelodau ac Etholiadau) ac i'r Pwyllgor Safonau ar y Bil hwnnw a nifer o faterion eraill. Cyfrannais at ymgynghoriad y Bwrdd Taliadau ar y Penderfyniad ar gyfer y Seithfed Senedd.

**21.** Yn ystod y flwyddyn, cefais ohebiaeth ar ystod eang o faterion y tu allan i'm cylch gwaith fel Comisiynydd. Ym mhob achos, eglurwyd i'r gohebwyd pam na allwn eu cynorthwyo, a chawsant eu cyfeirio at y sefydliad priodol i ymdrin â'u problem.

## 5. Gwariant

**22.** O dan adran 3 a pharagraff 5 o'r Atodlen i'r Mesur, rhaid i Gomisiwn y Senedd dalu'r Comisiynydd y cyflog a'r lwfansau a gytunir yn nhelerau ac amodau'r penodiad. Rhaid i'r Comisiwn hefyd dalu'r holl dreuliau rhesymol yr eir iddynt yn gyfreithlon gan y Comisiynydd wrth gyflogi staff, prynu nwyddau neu wasanaethau, a thalu lwfansau neu dreuliau i dystion.

**23.** Mae'r gwariant gan swyddfa'r Comisiynydd ar gyfer y flwyddyn a ddaeth i ben ar 31 Mawrth 2025 i'w weld yn Nhabl 4.

**Tabl 4 – Gwariant swyddfa'r Comisiynydd**

|                                                                 | <b>2021-22</b><br>£ | <b>2022-23</b><br>£ | <b>2023-24</b><br>£ | <b>2024-25</b><br>£ | <b>2025-26</b><br>£ |
|-----------------------------------------------------------------|---------------------|---------------------|---------------------|---------------------|---------------------|
| <b>Costau cyflogaeth y Comisiynydd (Nodyn 1)</b>                | 30,538              | 34,692              | 48,847              | 39,137              | 35,720              |
| <b>Teithio a Chynhaliaeth y Comisiynydd</b>                     | 1,014               | 4,264               | 5,199               | 24                  | 811                 |
| <b>Costau eraill y Comisiynydd</b>                              | 0                   | 0                   | 0                   | 0                   | 0                   |
| <b>Costau cyflogaeth y Comisiynydd Dros Dro (Nodyn 1)</b>       | 0                   | 0                   | 0                   | 2,940               | 0                   |
| <b>Teithio a chynhaliaeth y Comisiynydd Dros Dro</b>            | 0                   | 0                   | 0                   | 0                   | 0                   |
| <b>Costau eraill y Comisiynydd Dros Dro</b>                     | 0                   | 0                   | 0                   | 0                   | 0                   |
| <b>Cyfanswm gwariant y Comisiynydd a'r Comisiynydd Dros Dro</b> | 31,552              | 38,955              | 54,045              | 42,101              | 36,531              |

|                                                | <b>2021-22</b><br>£ | <b>2022-23</b><br>£ | <b>2023-24</b><br>£ | <b>2024-25</b><br>£ | <b>2025-26</b><br>£ |
|------------------------------------------------|---------------------|---------------------|---------------------|---------------------|---------------------|
| <b>Costau cyflogaeth (Nodyn 2)</b>             | 70,874              | 71,115              | 74,448              | 75,848              | 64,626              |
| <b>Teithio a chynhaliaeth staff</b>            | 0                   | 0                   | 0                   | 520                 | 39                  |
| <b>Costau eraill staff</b>                     | 0                   | 0                   | 0                   | 0                   | 0                   |
| <b>Cyfanswm costau staff (Nodyn 3)</b>         | 70,874              | 71,115              | 74,448              | 76,368              | 64,665              |
| <b>Gwariant arall yr aed iddo<sup>16</sup></b> | 4,957               | 9,524               | 5,498               | 8,555               | 4,117               |
| <b>CYFANSWM GWARIANT SWYDDFA'R COMISIYNYDD</b> | 107,383             | 119,595             | 133,992             | 127,025             | 105,313             |

Nodyn 1 - Tâl y Comisiynydd + cyfraniadau yswiriant gwladol y cyflogwr

Nodyn 2 - Cyflog staff + cyfraniadau yswiriant gwladol y cyflogwr + cyfraniad pensiwn y cyflogwr

Nodyn 3 – Mae'r gostyngiad oherwydd dim ond tua 80% o gyfanswm yr amser a dreuliodd yr unigolyn dan sylw yn cefnogi'r Comisiynydd. Ni wnaed addasiad cyfwerth yn y blynyddoedd blaenorol.

**24.** Mae cost rhedeg swyddfa'r Comisiynydd yn dibynnu'n helaeth iawn ar nifer y cwynion sy'n dod i law a faint ohonynt sy'n dderbyniadwy ac felly'n gofyn ymchwiliad. Er bod 50 yn llai o gwynion wedi dod i law yn 2025-26 na'r flwyddyn flaenorol, cafodd pedwar ymchwiliad ffurfiol ynghylch cwynion a ddaeth i law yn ystod 2024-25 eu cario drosodd a'u cynnal yn ystod blwyddyn adrodd 2025-26, a chynhaliwyd un ymchwiliad ffurfiol newydd. Mae ymchwiliadau ffurfiol o'r

<sup>16</sup> Roedd hwn yn cynnwys taliadau am wasanaethau cyfreithiol, trawsgrifio, ac ymdrin â'r cyfryngau.

fath yn cymryd llawer mwy o amser ac adnoddau na chwynion nad ydynt yn dderbyniadwy. Hyd yn oed heb y gostyngiad oherwydd y dull mwy cywir o gyfrifo costau cyflogaeth, roedd cyfanswm y gwariant 4% yn is na'r flwyddyn flaenorol, a'r isaf ers 2022-23.




## 6. Y flwyddyn sydd i ddod

- 25.** Rwy'n disgwyl i 2026-27 fod yn flwyddyn brysur. Mae bron yn sicr y bydd y cynnydd yn nifer yr Aelodau a'r ffaith nad yw cyfran uchel iawn ohonynt wedi bod yn Aelodau o'r blaen yn arwain at gynnydd sylweddol yn nifer y cwynion a ddaw i law.
- 26.** Er bod y Cod Ymddygiad newydd yn mynd i'r afael â llawer o'r diffygion yn y Cod blaenorol, mae'n debygol y bydd rhai o'r mesurau newydd yn arwain at broblemau sy'n cymryd llawer o amser.
- 27.** Byddaf yn gweithio gyda'r Pwyllgor ar ddiwygio'r Weithdrefn. Mae'r diwygiad hwnnw'n angenrheidiol i gywiro nifer o ddiffygion bach a nodwyd ac o ganlyniad i'r newidiadau i'r Cod.
- 28.** Bydd gwaith yn cael ei wneud i addasu arferion presennol i ystyried y newidiadau a wnaed yn sgil Deddf Senedd Cymru (Atebolrwydd Aelodau ac Etholiadau) 2026.
- 29.** Os caf wahoddiad, byddaf yn cwrdd â'r Pwyllgor Safonau newydd i egluro fy rôl a'u briffio ar fy ngwaith. Byddaf yn gwneud yr un peth i'r Aelodau llewg pan gânt eu penodi i'r Pwyllgor.
- 30.** Byddaf yn adeiladu ar y sesiynau cynefino ar gyfer yr Aelodau ynghylch fy rôl a'r broses gwyno a ddarperir ym mis Mai 2026 drwy ddarparu sesiynau pellach yn ddiweddarach yn y flwyddyn.
- 31.** Yn sgil ymrwymiad Llywodraeth Cymru i ddod â swyddfa Comisiynydd Safonau'r Senedd o fewn cylch gorchwyl Comisiynydd y Gymraeg, byddaf yn cysylltu â'r swyddfa honno ynghylch y safonau a fyddai'n briodol.
- 32.** Byddaf yn parhau i gysylltu â'r rhai sy'n gwneud gwaith tebyg mewn awdurdodaethau eraill gyda'r bwriad o nodi a chyflwyno arfer gorau.
- 33.** Byddaf yn cwrdd â'm olynydd i sicrhau proses ddidrafferth o drosglwyddo unrhyw ymchwiliadau parhaus ac unrhyw ddarn arall o waith.

## 7. Diolchiadau

**34.** Gwnaeth Jonathan Thomas, fy Rheolwr Ymchwiliadau a Chwynion, ddefnydd llawn o'i 16 mlynedd a mwy o brofiad o gefnogi pob Comisiynydd Safonau ers i'r swydd gael ei chreu yn 2009. Rwy'n ddyledus iddo am bopeth y mae wedi'i wneud. Rwyf hefyd yn ddiolchgar iawn i Meriel Singleton, Clerc y Pwyllgor Safonau Ymddygiad ac i'r nifer o staff eraill yng Nghomisiwn y Senedd a'm helpodd i gyflawni fy nyletswyddau.



**Douglas Bain CBE TD**

Comisiynydd Safonau'r Senedd

18 Mehefin 2026















CYNNAL  
ENW DA



GWARCHOD  
SAFONAU



MYND I'R AFAEL  
Â PHRYDERON

